

Johtočála 2025-36

Dáhton: 01.07.2025

Buhtada johtočállaga: 2024-20

Njuolggadus doarjaga birra siidaosiide ja boazoservviide – kommentárat njuolggadussii

Sisdoallu

Álggahus	3
Bajilgovva rievdadusaid badjel	3
Njuolggadusrievdadusat ovddit boazodoallojagi rájes	3
Rievdadusat boazodoallolágas	3
Boazodoalloláhka §§ 60 og 60a	3
Njuolggadusa mearrádusat	4
§ 1. Ulbmil	4
Kommentárat mearrádussii	4
§ 2. Doarjjameroštallama áigodat	4
Kommentárat mearrádussii	4
§ 3. Obbalaš doarjjaevtut	4
Kommentárat mearrádussii	5
§ 4. Sierramearrádus boazologu birra	7
Kommentárat mearrádussii	7
§ 5. Doarjjameroštallama áigodat	11
Kommentárat mearrádussii	12
§ 6. Gáibádusat ohcamuššii	12
Kommentárat mearrádussii	12
§ 7. Sierra doaibmadoarjja nuoraide	13
Kommentárat mearrádussii	14
§ 8. Sierra doaibmadoarjja nissonolbmuide	14
Kommentárat mearrádussii	14
§ 9. Álggahandoarjja	15
Kommentárat mearrádussii	15
§ 10. Buvttadanvuoitu	15
Kommentárat mearrádussii	16

§ 10a. Doarjja bensiinna geaidnogeavahandivada buhtadussan	18
Kommentárat mearrádussii.....	18
§ 11. Miessenjuovvandoarjja	19
Kommentárat mearrádussii.....	19
§ 12. Náittos-/ássanguoibmelasáhus	20
Kommentárat mearrádussii.....	20
§ 13. Opplysningsplikt og kontroll.....	22
Kommentárat mearrádussii.....	22
§ 14. Dieđuid viežžan.....	22
Kommentárat mearrádussii.....	22
§ 15. Boasttomáksimiid divvun	23
Kommentárat mearrádussii.....	23
§ 16. Unnideapmi je.	23
Kommentárat mearrádussii.....	24
§ 17. Ruovttoluottamáksima dahje unnidansupmi gáibideapmi	25
Kommentárat mearrádussii.....	25
§ 18. Hálddašeapmi, váidin ja dispensašuvdna	26
Kommentárat mearrádussii.....	26
§ 19. Fápmuibohtin	27
Kommentárat mearrádussii.....	27

Álggahus

Doarjjaortnet siidaosiide ja boazoservviide lea mearriduvvon [njuolggadusas geassemánu 20. beaivvi 2019 doarjaga birra siidaosiide ja boazoservviide.](#)

Njuolggadus lea mearriduvvon ja das lea láhkavuodđu boazodoallolágas § 82a ja Stuoradikki jahkásaš mearrádusas boazodoallošiehtadusa birra.

Bajilgovva rievdadusaid badjel

Njuolggadusrievdadusat ovddit boazodoallojagi rájes

Ođđa § 10a. Doarjja bensiinna geaidnogeavahandivada buhtadussan

Boazodoallošiehtadusa 2025/2026 čuokkis 3.5 mielde ásaheavvui ođđa doarjjaortnet bensiinna geaidnogeavahandivada buhtadussan. Šiehtadanbealit leat ráhkadan tabealla man mielde doarjja meroštallojuvvo, ja vuodđun dasa leat njuovvojuvvon bohccot maid njuovahat lea raporterren.

§ 11 Miessenjuovvandoarjja

Vuosttaš lađđasis vuosttaš čuoggás lea miessenjuovvandoarjaga máksomearri rievdaduvvon 740 ruvdnui juohke miesi nammii. Dal sáhtta miessenjuovvandoarjaga lassin oažžut kvalitehtalasáhusa gitta 100 ruvnno juohke miesi nammii misiide mat leat njuovvojuvvon EUROP klássa O+ rájes E+ rádjái.

§ 12 Náittos-/ássanguoibmelasáhus

Goalmát lađđasis vuosttaš čuoggás lea bajit rádjji persovdnadietnasii mii ii boađe boazodoalus rievdaduvvon 300 000 ruvnnos 400 000 ruvdnui.

Rievdadusat boazodoallolágas

Boazodoalloláhka §§ 60 og 60a

Boazodoallolága rievdadeami oktavuodas lea § 60 rievdaduvvon, mii guoská boazolohkui, ja lágas lea dal ođđa § 60a boazologu unnideami birra. Láhkarievdadusat bohte fápmui suoidnemánu 1. beaivvi 2025.

Njuolggadus doarjaga birra siidaosiide ja boazoservviide § 4, mii lea boazologu sierra eavttu birra, čujuha boazodoallolága § 60, vaikko njuolggadusmearrádus § 4 ii leat heivehuvvon boazodoallolága § 60 ja ođđa § 60a.

Dat dagaha ahte gustovaš § 4 čujuha ovddit boazodoalloláhkii, ja dan dihte ii sáhte geavahuvvot boazodoallolága ođđa mearrádusaide. Eanandoalldirektoráhta ákkastallá ahte § 4 vuosttaš lađđasa mearrádus, boazologu váldonjuolggadus, lea ain gustovaš. Dat guoská maid spiehkastatmearrádussii § 4 f, siidaosiide maidda ii guoskka § 4a-e. Mearrádusat § 4 nuppi lađđasis a – e fáttmastit ain siidaosiid maidda namuhuvvon doaibmabijut guske ovdal go ođđa boazodoalloláhka bođii fápmui.

Njuolggadusa mearrádusat

§ 1. Ulbmil

Doarjja siidaosiide ja boazoservviide galgá leat mielde ovddidit guoddevaš boazodoalu, kvalitehta ja buvttadeami seammás go lokte boazodoalu dietnasa.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Ulbmilparagrafa čujuha boazodoallopoltihkalaš mihtuide [St. Dieđ. 32 \(2016-2017\)](#) mielde. Doarjja dan njuolggadusa mielde galgá leat veahkkinn mihtuid olaheapmái.

§ 2. Doarjjameroštallama áigodat

Doarjjameroštallama áigodat lea dan njuolggadusa mielde boazodoallojahki, mii lea cuoŋománu 1. beaivvi rájes njukčamánu 31. beaivvi rádjái, jus ii leat sierramearrádus dihto njuolggadusas.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Doarjjameroštallama áigodagain oaivvilduvvo dat áigodat goas doarjjameroštallama vuodđu galgá leat olahuvvon.

Čuovvovaš dáhpáhusain leat eará áigodagat go boazodoallojahki:

- Unnimusdietnasa áigodat, maŋemus kaleanddarjagi, § 3 nr. 2
- Siidda boazolohku njukčamánu 31. beaivvi doarjjajagis, § 4 vuosttaš lađas
- Sierra doaibmadoarjja nuoraide ođđajagimánu 1. beaivvi boazodoallojagis, § 7
- Buvttadanvuoitu, maŋemus kaleanddarjagi, § 10 vuosttaš ja nubbi lađas
- Miessenjuovvadoarjja, borgemánu 15. beaivvis njukčamánu 31. beaivái boazodoallojagis, § 11 nubbi lađas
- Náittos-/ássanguoibmelasáhus, maŋemus litnetáigodat, § 12 nubbi lađas

§ 3. Obbalaš doarjjaeavttut

Dan njuolggadusa mielde sáhtá doarjja juolluduvvot boazoservviide dahje siidaoassejodiheddjiide jus:

1. Boazosearvi dahje siidaoassejodiheddji lea sádden boazodoallodieđáhusa doarjjajagi ovddas, ja
2. boazosearvvis dahje siidaoassejodiheddjis lea leamaš divatgeatnegahtton biergovuovdindienas iežas mearkkas unnimusat 50 000 ruvnno ovddas lasseárvodivvaga haga maŋemus kaleanddarjagis. Dienas bohccos mii lea njuvvojuvvon dahje vuvdojuvvon eará riikkas go Norggas ii leat divatgeatnegahtton vuovdindienas dan njuolggadusa mielde, jus boazu gullá olgoriikka reidenortnegii, ja
3. siidaoassejodiheddji ii oaččo ahkepenšuvnna álbmotoaju njuolggadusaid mielde dan boazodoallojagi man ovddas ohcá ahkepenšuvnna. Oktasaš siidaoasis sáhtá liikká boarráset náittos- dahje ássanguoibmi oažžut ahkepenšuvnna.

Buohtalas rekruterenoasit eai sáhte oažžut doarjaga dan njuolggadusa mielde.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Vuosttaš lađas nr. 1: Ohcci galgá sádden boazodoallodieđáhusa

Boazodoallodieđáhusii deavdá ohcci dieđuid mat leat dehálaččat go boazodoallopolitihkalaš mihtut árvvoštallojuvvojit, geat galget oažžut doarjaga ja mo doarjjasupmi galgá mearriduvvot. Stáhtahálddašeaddji veardida njuolggadusa eavttuid boazodoallodieđáhusa dieđuid, earret eará boazologu ektui.

Sihke boazosearvi ja siidaoassejodiheaddji ferte dan dihte sádden boazodoallodieđáhusa ovdal go doarjjaohcamuš sáhtta meannuduvvot. Lea maiddá gáibádus ahte buohtalas rekruterenoasit sáddejit boazodoallodieđáhusa.

Vuosttaš lađas nr. 2: Vuovdindienasgáibádus

Vuovdindienas galgá leat divatgeatnegahtton

Jus dan njuolggadusa mielde galgá oažžut doarjaga, de ferte ohccis leamaš divatgeatnegahtton vuovdindienas.

«Divatgeatnegahtton vuovdindietnasiin» oaivvilduvvo vuovdindienas mii leat divatgeatnegahtton lasseárvodivatlága mielde. Gálvvu vuovdin ruđa ovddas, ja gálvvuid lonohallat, rehkenastojuvvo divatgeatnegahtton dienasin lasseárvodivatlága mielde. Njuolggadus ii gáibit ahte lasseárvodivat lea máksojuvvon.

Vuovdindienas (divatgeatnegahtton vuovdindienas) lea definerejuvvon lasseárvodivatlágas § 1-3 vuosttaš lađđasis bustávva a čuovvovaš vuogi mielde: «levering av varer og tjenester mot vederlag (gálvvuid sirdin buhtadusa ovddas)».

Gálvvuid sirdin buhtadusa ovddas dagaha dietnasa. Ovdagihtii dinet gálvosirdimii ii leat dienas. Gálvvuid sirdin buhtadusa haga ii leat ge dienas.

Lea dušše bohccobierggu vuovdin/dienas mii galgá leat mielde vuovdindietnasa meroštallamis § 3 mielde. Bohccobierggu vuovdin/dienas leat buot dietnasat biergovuovdimis, beroškeahhtá gii dan oastá. Njuovahakkii vuovdin, priváhtaolbmuid vuovdin ja vuovdin earáide galgá leat mielde meroštallamis dan mearrádusa vuodul.

Bohccobierggu árvu go njuovvá iežas geavahussii ii leat dienas, ja dan dihte dat ii galgga leat mielde divatgeatnegahtton dienasmeroštallamis dan njuolggadusa mielde.

Stáhtahálddašeaddji sáhtta bivdit duodáštusaid vuovdindietnasii jus dat dárbbášuvvo go árvvoštallet ohcci vuoigatvuodá doarjagii. Dakkár duodáštus sáhtta leat guite (salgsbilag) mii čájeha makkár buvttá lea vuvdojuvvon, vuovdinsupmi ja goas gálvu sirdojuvvui ja goas máksingáibádus ilmmái.

Divatgeatnegahtton vuovdindienas galgá leat unnimusat 50 000 ruvnno manemus kaleanddarjagis
Siidaoassejodiheaddji/boazosearvi galgá vuovdán bohccobierggu dan kaleanddarjagis man ovddas

ohcá doarjaga. Das oaivvilduvvo ahte bohccobierggu vuovdin ja eará bohccobuktagiid vuovdin galgá geavvan ovdal juovlamánu 31. beaivvi kaleanddarjagis ovdal go ohcá doarjaga. Bohccobierggu buhtadeapmi – leaš go máksin ruđain vai lonuheapmi – sáhtá geavvat boahttevaš kaleanddarjagis.

Dienas galgá boahit bohccobiergovuovdimis

Lea dušše dienas bohccobiergovuovdimis mii lea vuodđun vuovdindietnasa meroštallamii dan mearrádusa mielde. Eará dietnasat mat bohtet boazodoalus, ovdamearkka dihte lassibuktagat bohccos ja duojs (duolji, čoarvvit je.) eai leat vuodđun vuovdindietnasa meroštallamii.

Boazu galgá leat merkejuvvon siidaoassejodiheddji/boazosearvvi mearkkain

Siidaoassejodiheddjiide:

Unnimusdietnasa meroštallanvuodus leat biergovuovdindietnasat mat leat merkejuvvon:

- siidaoassejodiheddji iežas mearkkain ja
- siidaoassejodiheddji mánáid mearkkain go máná lea vuollel 17 jagi ođđajagimánu 1. beaivvi ohcanjagis ja mánáid dietnasat leat váhnemiid vearromearrádusa vuolde.

Jus náittos-/ássanguimmežiin lea oktasaš siidaoassi boazodoallolága § 13 mielde, de lea doarvái ahte sudnos lea oktiibuot divatgeatnegahtton vuovdindienas 50 000 ruvnno lasseárvodivvaga haga iežaska mearkkain. Okta jodiheddji sáhtá ovdamearkka dihte deavdit olles gáibádusa, dahje dietnasat goappaš jodiheddjiin dahká vuovdindietnasa mii lea badjel gáibádusa.

Jus siidaoassi lea sirdojuvvon maŋemus boazodoallojagis, de lea unnimusdietnasa gáibádus su, guhte jodihii siidaoasi boazodoallojagi loahpas. Goas siidaoasi sirdin dáhpáhuvai boahá ovdan stáhtahálldašeaddji áššemearrádusas siidaoasi sirdima dohkkeheami birra. Dat mearkkaša ahte ovddeš jodiheddji biergovuovdindienas ii galgga leat mielde meroštallanvuodus, beroškeahhtá goas siidaoassi sirdojuvvui.

Boazoservviide:

Boazoservviin lea dušše okta mearka ja buot bohccot mat gullet boazosearvái merkejuvvojit dainna. Jus galgá doarjaga oažžut, de ferte boazosearvvis leamaš biergovuovdindienas boazosearvvi mearkkas unnimusat 50 000 ruvnno lasseárvodivvaga haga.

Bohccot galget leat njuvvojuvvon ja vuvdojuvvon Norggas

Meroštallanvuodui galgá dušše vuovdindienas bohccuin mat leat sihke njuvvojuvvon ja vuvdojuvvon Norggas. Spiehkastat dan njuolggadusas leat bohccot mat gullet olgoriikka reidenortnegii, das oaivvilduvvo ahte bohccobiergu fievrreduvvo Norgii maŋnel reidema olgoriikkas. Boazoeaiggádis galgá leat áššemearrádus masa Eanandoallodirektaráhtta lea čállán ahte bohccobiergu gullá dan ortnegii.

Vuosttaš lađas nr. 3: Siidaoassejodiheddji ii sáhte oažžut ahkepenšuvnna

Mearrádus guoská dušše siidaoassejodiheddjiide geat ohcet doarjaga. Boazosearvvi miellahtut sáhttet oažžut ahkepenšuvnna ja dat ii váikkut doarjjaohcamuša meannudeapmái.

Siidaoassejodiheddji ii sáhte oažžut doarjaga dan njuolggadusa mielde jus lea ožžon ahkepenšuvnna NAV:as dahje eará EØS-riikkas gaskal cuorománu 1. beaivvi ja njukčamánu 31. beaivvi dan boazodoallojagis man ovddas ohcá doarjaga. Dat guoská dalle go váldá vuostá oasi dahje olles ahkepenšuvnna.

Oktasaš siidaoasis sáhttiba siidaoassejodiheaddjit liikka oažžut doarjaga vaikko boarráset siidaoassejodiheaddji oažžu ahkepenšuvnna. Doarjja dan njuolggadusa mielde ii sáhte juolluduvvot jus nuorabut siidaoassejodiheaddji oažžu dakkár penšuvnna.

Stáhtahálddašeaddji viežža ahkepenšuvnna birra dieđuid Vearroetáhtas dan boazodoallojagi ovddas masá ohcamuš guoská.

Nubbi lađas: Buohtalas rekruterenoasit eai oaččo doarjaga

Buohtalas rekruterenoasiin (boazodoallolága § 12) ii leat sierra vuoigatvuohta doarjagii. Buohtalas rekruterenoasi dienas sáhttá liikka leat mielde buvttadanvuoittu § 10 ja miessenjuovvandoarjaga § 11 meroštallanvuodus dan siidaoassái masá buohtalas rekruterenoassi gullá. Buohtalas rekruterenoassi lea dan oktavuođas oassin siidaoasis, ja buohtalas rekruterenoasi vuovdindienas/miessenjuovvan lea seammaárvosaš go siidaoasi eará boazoeaiggádiid vuovdindienas/miessenjuovvan.

§ 4. Sierramearrádus boazologu birra

Doarjagiid eaktun lea ahte siidda boazolohku njukčamánu 31. beaivvi doarjjajagis oktiivástida mearriduvvon boazologuin dohkkehuvvon doaibmanjuolggadusaid mielde.

Jus siidda boazolohku lea badjel mearriduvvon boazologu, de sáhttá siidaoasi jodiheaddji liikká oažžut doarjaga jus:

- a. siida lea ráhkadan unnidanplána boazolága § 60 goalmát lađđasa mielde, ja siidaoasi boazolohku lea unnidanplána mielde, dahje
- b. siidaoassi lea unnidanproseassas man boazodoallostivra lea mearridan boazodoallolága § 60 goalmát lađđasa vuodul ja siidaoasi boazolohku lea dan mielde, dahje
- c. stáhtahálddašeaddji lea mearridan bajimus boazologu guđege siidaoassái boazodoallolága § 60 viđat lađđasa ja dasa gullelaš njuolggadusaid vuodul, ja siidaoasi boazolohku lea dan mielde, dahje,
- d. siidda siidaoasit leat šiehtadan boazologu juohkima boazodoallolága § 60 guđát lađđasa vuodul, ja siidaoasi boazolohku ii leat badjel siidda mearriduvvon boazologu, ja siidaoasi boazolohku lea dan mielde, dahje
- e. siiddas lea mearriduvvon bajimus boazolohku juohke siidaoasi nammii boazodoallolága § 60 njealját lađđasa mielde, ja submi ii leat badjel siidda mearriduvvon bajimus boazologu, ja siidaoasi boazolohku lea dan mielde, dahje
- f. bustávat a-e eai guoskka siidaoassái, ja siidaoassi ii leat lasihan iežas boazologu dan boazologu ektui mii sus lei jagi ovdal siida lei mearriduvvon boazologu badjel.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

OBS

Kommentárat leat čállojuvvon mearrádussii mat čujuhit ovddes boazodoalloláhkii § 60. Ođđa mearrádusat boazologu birra ja boazologu unnideami birra boazodoallolága § 60 ja 60a bohte

fápmui suoidnemánu 1. beaivvi 2025 ja § 4 njuolggadusas doarjaga birra siidaosiide ja boazoservviide ii váldde dan vuhtii das.

Doaibmabijut mat fátmastedje siidaosiid ovddeš boazodoallolága § 60, ovdal go odđa láhkamearrádus bodii fápmui, sidjiide guoská ain dat njuolggadusmearrádus.

Vuolggasadjin lea, ahte siidaosiin main lea boazolohku mii lea gustovaš boazodoallolága § 60 ektui ja/dahje doaibmabijuid ektui mat čilgejuvvojit § 60a devdet eavttuid boazologu birra ja sáhttet oažžut doarjaga dan njuolggadusa mielde.

Vuosttaš lađas: Váldonjuolggadus

Mearrádus guoská dušše siidaoassejođiheddjiide geat ohcet doarjaga. Boazoservviide ii guoskka boazologu gáibádus.

Siidaoasit sáhttet dábálaččat oažžut doarjaga dušše dalle go siidaoasi siidda boazolohku lea seamma ollu dahje unnit go siidda mearriduvvon bajimus boazolohku dohkkehuvvon doaibmanjuolggadusaid njukčamánu 31. beaivvi 2023 vuodul. Dán mearrádusas mearkkaša «siida» geassesiida, dávjá dat lea geasseorohat.

Jus siidda boazolohku oktiivástida bajit boazologuin doaibmanjuolggadusain, de buot siidaoasit siiddas ožžot doarjaga jus oppalaš eavttut njuolggadusa § 3 ollašuvvet.

Siidda boazolohku njukčamánu 31. beaivvi rehkenastojuvvo buot boazodoallodieđáhusaid vuodul maid siidda siidaoasit leat sádden. Váldonjuolggadusa ii sáhte geavahit jus muhtun siidaoasit siiddas eai leat sádden boazodoallodieđáhusa. Stáhtahálldašeaddji ii sáhte rehkenastit boazologu siiddas jus ii leat ožžon boazodoallodieđáhusa buot siidda siidaosiin ja buohtalas rekruterensiin.

Nubbi lađas: Spiehkasteami

Jus siidda boazolohku lea badjel mearriduvvon boazologu dohkkehuvvon doaibmanjuolggadusaiguin, de sáhtta okta siidaoassi liikka oažžut doarjaga jus siidaoassi ollašuhtta spiehkastagaid eavttuid § 4 nuppi lađđasa bustávva a-f vuodul.

Bustávva a – unnidanplána

Jus siidaoassi galgá oažžut doarjaga spiehkasteami vuodul, de fertejit čuovvovaš eavttut devdojuvvot:

- Ferte gávdnot dohkkehuvvon unnidanplána boazodoallolága § 60 goalmát lađđasa vuodul njukčamánu 31. beaivvi doarjjajagis.
- Siidda boazolohku njukčamánu 31. beaivvi doarjjajagis galgá oktiivástidit siidaoasi mearriduvvon boazologuin unnidanplánas.

Stáhtahálldašeaddji galgá dohkkehan unnidanplána go ohcci ohcá doarjaga. Unnidanplána dohkkeheapmái galget čuovvovaš gáibádusat devdojuvvot:

- Plánas galgá leat boazologu juohkin juohke siidaoasi nammii juohke unnidanjahká.
- Loahppasubmi unnidanplánas galgá oktiivástidit bajimus boazologuin dohkkehuvvon doaibmanjuolggadusain.
- Buot siidaoassejođiheaddjit siiddas/orohagas galget leat ovttaoaivilis unnidanplána hárrái. Dan sáhtta duodaštit juogo buot siidaoassejođiheddjiid vuolláičállaggiin dahje ahte jahkečoahkkima protokolla čájeha ahte buot siidaoassejođiheaddjit jienastedje plána olis. Ii

leat vejolaš ráhkadit unnidanplána eanetlohkomearrádusa vuodul. Dat leat mearriduvvon Alimusriekteduomus juovlamánu 19. beaivvi 2019 (HR-2019-295-A).

Unnideapmi galgá leat álggahuvvon doarjjajagis. Dat mearkkaša ahte unnideami vuosttaš ceahkki ferte leat dahkkon ovdal njukčamánu 31. beaivvi 2025 go ohcá doarjaga 2024/2025 boazodoallojagi ovddas. Jus unnidanplána easka álgá cuoŋománu 1. beaivvi 2023 rájes, de ii sáhte spiehkastaga bustávva a geavahit.

Mearrádus sáhtá dušše geavahuvvot dan unnidanplána áigodahkii. Go unnideapmi lea čađahuvvon, de ii sáhte loahppalohku unnidanplánas geavahuvvot árvvoštallat siidaoasi spiehkastaga vuodul (geahča Alimusrievtti duomu badjelis). Dakkár dáhpusain árvvoštallojuvvo siidaoassi bustávva f mielde.

Bustávva b – unnidanproseassa man boazodoallostivra lea mearridan

Jus siidaoassi galgá oažžut doarjaga dan spiehkastaga vuodul fertejit čuovvovaš eavttut ollašuvvat:

- Boazodoallostivra galgá gohččon siidaoasi gorrevuđolaččat unnidit boazologu Boazodoallolága § 60 goalmmát lađđasa vuodul
- Siidaoasi boazolohku njukčamánu 31. beaivvi doarjjajagis galgá oktiivástidit mearriduvvon lohku gorrevuđolaš unnidanplánas.

Mearrádus gusto dušše áigodahkii mii čuožžu gohččumis. Go gorrevuđolaš unnideami gohččun lea ollašuvvan, de ii sáhte siidaoassi árvvoštallojuvvot bustávva b spiehkastagain. Dakkár dáhpusain galgá siidaoassi árvvoštallojuvvot bustávva f vuodul.

Bustávva c – áššemearrádus boazologu juohkimis juohke siidaoassái

Jus siidaoassi galgá oažžut doarjaga dan spiehkastaga vuodul galget čuovvovaš eavttut ollašuvvat:

- Siidaoassi ferte ožžon áššemearrádusa stáhtahálddašeaddjis boazodoallolága § 60 viđat lađđasa vuodul siidaoasi boazologu mearrideami birra.
- Siidaoasi boazolohku njukčamánu 31. beaivvi doarjjajagis galgá oktiivástidit boazologuin stáhtahálddašeaddji mearrádusas.

Boazologu mearrádus siidaoasi dásis boazodoallolága § 60 viđat lađđasa vuodul lea čadnon áigái ja sáhtá dušše gustot viđa jahkái, vrd. njuolggadus boazologu mearrideapmi juohke siidaoassái § 1. Stáhtahálddašeaddji galgá áššemearrádusas čállit makkár áigodahkii boazologu mearrádus gusto.

Mearrádusa áigodat lea gustovaš dušše dihto áigodagas. Go mearrádusa áigodat nohká, de siidaoassi ii sáhte meroštallojuvvot bustávva c spiehkastagain. Dakkár dáhpusain galgá siidaoassi meroštallojuvvot bustávva f vuodul.

Bustávva d – siskkáldas šiehtadus boazologu juohkima birra

Jus siidaoassi galgá oažžut doarjaga dan spiehkastaga vuodul fertejit čuovvovaš eavttut ollašuvvat:

- Siidaoassi ferte ožžon áššemearrádusa stáhtahálddašeaddjis boazodoallolága § 60 viđat lađđasa vuodul siidaoasi boazologu mearrideami birra.
- Siidaoassi galgá šiehtadan ovttain dahje mánggain siidaosiin/-osiiguin siiddas eará boazolohkojuogu birra go dan maid stáhtahálddašeaddji lea mearridan.
- Boazologu submi šiehtadusas galgá leat seamma submi go siidaoasi boazolohku stáhtahálddašeaddji mearrádusas boazologu birra.
- Siidaoasi boazolohku njukčamánu 31. beaivvi doarjjajagis galgá oktiivástidit loguin mii lea mearriduvvon siidaoasi šiehtadusas.

Guokte dahje eambbo siidaoasit sáhttet searvat geatnegahtton šiehtadussii boazologu juohkimis dán mearrádusa vuodul. Jus okta siidaoassi lasiha boazologu dakkár šiehtadusa vuodul, de dan siidaoasis goitge lea riekti oažžut doarjaga.

Geatnegahtton šiehtadus boazologu juohkimis galgá leat sáddejuvvon stáhtahálddašeaddjái ovdal ohcanáigemeari siidaoasse- ja boazosearvedoarjagii miessemánu 31. beaivvi, vrd, § 6.

Šiehtadus boazologu juohkimii gusto seamma guhká go boazologu mearrádus man stáhtahálddašeaddji lea dahkan Boazodoallolága § 60 viđat lađđasa vuodul. Go stáhtahálddašeaddji mearrádusa áigodat nohká, de dat ii váikkut doarjjameannudeapmái. Siidaoassi galgá dalle meroštallojuvvot bustávva f vuodul.

Bustávva e – juohke siidaoasi mearriduvvon boazolohku doaibmanjuolggadusain

Jus siidaoassi galgá oažžut doarjaga dan spiehkastaga vuodul fertejit čuovvovaš eavttut ollašuvvat:

- Siida galgá mearridan bajit boazologu juohke siidaoassái dohkkehuvvon doaibmanjuolggadusain boazodoallolága § 60 njealját lađđasa vuodul.
- Boazologu submi mii lea mearriduvvon juohke siidaoassái ii galgga leat eambbo go oppalaš bajit boazolohku siiddas doaibmanjuolggadusain.
- Siidaoasi boazolohku njukčamánu 31. beaivvi doarjjajagis galgá oktiivástidit siidaoasi boazologuin doaibmanjuolggadusain.

Mearrádus gusto guovttelágan dáhpáhusaide:

- Mearrádus dásseárvosaš boazologus (bajit submi) buot orohaga siidaosiide. Orohatstivra sáhttá mearridit boazologu bajit supmi eanetlohkomearrádusain.
- Mearrádus juogaduvvon boazologus. Buot siidaoassejodíheaddjit fertejit soabadit juogu birra, vrd. Alimusrievtti duopmu juovlamánu 19. beaivvi 2019 (HR-2019-295-A).

Boazodoallolága § 60 njealját lađas ii leat mearrádus unnidit boazologu, muhto mearrádus boazologus juohke siidaoassái. Dat boazolohku gusto dassázii siidaoassái mearriduvvo ođđa boazolohku, dahje orohatstivra mearrida ahte ii šat galgga leat mearriduvvon boazolohku juohke siidaoassái.

Bustávva f – eará oktavuodát

Jus siidaoassi galgá oažžut doarjaga dan spiehkastaga vuodul fertejit čuovvovaš eavttut ollašuvvat:

- Siidaoassái eai galgga gustot proseassat namuhuvvon bustávain a rájes e rádjái.
- Siidaoassi ii galgga lasihan iežas boazologu dan boazologu rájes mii siidaoasis lei jagi ovdal go siida rihkui mearriduvvon boazologu.

Eaktu dan birra ahte bustávat a rájes e rádjái eai guoskka siidaoassái

Jus spiehkastat galgá leat gustovaš, de siidaoassi galgá čuovvovaš eavttuid deavdit:

- Unnidanplána ii galgga boazodoallolága § 60 goalmmát lađđasa vuodul gustot siidaoassái
- Siidaoasis ii galgga leat mearrádus gorrevuđolaš unnideapmái boazodoallolága § 60 goalmmát lađđasa vuodul
- Siidaoassi ii galgga ožžon mearrádusa boazologus juohke siidaoasi ovddas boazodoallolága § 60 njealját dahje viđat lađđasa vuodul

Spiehkastat gusto sihke siidaosiide geain ii leat leamaš unnidanproseassa ovdalis, ja siidaosiide geain lea leamaš unnidanproseassa ovdalis ja leat geargan dainna.

Eaktu ahte siidaoassi ii galgga lasihan iežas boazologu dan jagi rájes go siidda boazolohku manjemus lei lobálaš dohkkehuvvon doaibmanjuolggadusain

Jus galgá sáhttit árvvoštallat dán eavttu, de ferte stáhtahálddašeddi háhkát dieđuid dan birra ahte makkár doaibmajagi siidda/orohaga boazolohku oktiivástidii bajit boazolohkomeariin dohkkehuvvon doaibmanjuolggadusain. Dat sáhtta leat márga jagi áigi doarjjajagi ektui. Siidaoasi boazolohku doaibmajagis go siidda/orohaga boazolohku manjemus lei lobálaš buohtastahttojuvvo siidaoasi boazologuin njukčamánu 31. beaivvi dohkkehuvvon boazodoallodieđáhusas doarjjajagis.

§ 5. Doarjjameroštallama áigodat

Jus siidaosiide lea mearriduvvon bajit boazolohku, ja siidaoassái eai gusto eavttut boazologu birra § 4 nubbi lađas bustávva a-e, de sáhtta siidaoasi jodiheaddji goitge oažžut doarjaga čuovvovaš meroštallama vuodul:

- a. jus 1 gitta 10 bohccuin rihkku boazolohkomeari, de doarjja unniduvvo 1000 ruvnnuin juohke bohccos mii dagaha rihkkuma siidaoasi mearriduvvon boazologus,
- b. jus 11 gitta 20 bohccuin rihkku boazolohkomeari, de doarjja unniduvvo 2000 ruvnnuin juohke bohccos mii dagaha rihkkuma siidaoasi mearriduvvon boazologus,
- c. jus 21 gitta 30 bohccuin rihkku boazolohkomeari, de doarjja unniduvvo 3000 ruvnnuin juohke bohccos mii dagaha rihkkuma siidaoasi mearriduvvon boazologus.

Jus siidaosiide ii leat mearriduvvon bajit boazolohku, ja siidaoassi lea lasihan boazologu vaikko rihkku § 4 nuppi lađđasa bustávva f, de sáhtta siidaoasi jodiheaddji goitge oažžut doarjaga čuovvovaš meroštallama vuodul:

- a. jus gaskkal 1 ja 10 bohcco lasiha, de doarjja unniduvvo 1000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu,

- b. jus gaskkal 11 ja 20 bohcco lasiha, de doarjja unniduvvo 2000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu,
- c. jus gaskkal 21 ja 30 bohcco lasiha, de doarjja unniduvvo 3000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu

Jus rihkku dahje lasiha boazologu 30 dahje eanet bohccuin, de ii sáhte doarjja juolluduvvot.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Dát mearrádus lea spiehkastatmearrádus § 4 gáibádusaide boazologu birra. Jus lasiha unnit logu bohccuid (gitta 30 heakka rádjái), de sáhtta siidaoassi oažžut unniduvvon doarjaga. Man ollu doarjja unniduvvo lea sorjavaš dasa ahte man ollu lea lasihan boazologus, ja rehkenastojuvvo mearrádusa máksomeriid mielde.

Unnideapmi galgá meroštallojuvvot mearriduvvon supmiin juohke bohccos mii dagaha rihkkuma juogo siidaoasi mearriduvvon boazologus (jus siidaoassái gustojit spiehkastagat § 4 nuppi lađđasis bustávát a-e) dahje siidaoasi boazologuin maŋemus jagi ovdal go siida/orohat rihkui mearriduvvon bajit boazologu (jus siidaoassái gusto spiehkastat § 4 nuppi lađđasis bustávva f).

Jus unnideapmi dagaha eanet go doarjja oktiibuot, de doarjjasubmi šaddá 0 ruvnno.

Doarjjaunnideapmi ii leat seamma go unnideapmi doarjagis dan mearrádusa mielde § 16 vuodul.

§ 6. Gáibádusat ohcamuššii

Boazosearvi dahje siidaoassejodiheaddji guhte ohcá doarjaga galgá geavahit sierra skovi man Eanandoalldirektoráhta lea ráhkadan. Ohcamuša galgá sáddet stáhtahálddašeaddjái dan boazodoalloguovllus gosa siidaoassi dahje boazosearvi gullá.

Doarjjaohcamuš galgá leat sáddejuvvon ovdal miessemánu 31. beaivvi.

Erenoamáš oktavuodain sáhtta stáhtahálddašeaddji spiehkastit áigemearis.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Vuosttaš lađas: Ohcamuš galgá sáddejuvvot sierra skoviin man Eanandoalldirektoráhta lea ráhkadan

Boazosearvi dahje siidaoassejodiheaddji sáhtta ohcat digitálalaččat Eanandoalldirektoráhta digitála čovdosis. Boazosearvvi dahje siidaoassejodiheaddji boazodoalloguovllu stáhtahálddašeaddji dat oažžu ohcamuša. Ferte sádden boazodoalldiedáhusa jus galgá sáhttit sáddet digitála doarjjaohcamuša.

Boazodoallojagi 2023/2024 rájes ii leat gáibádus bidjat mielddusin duođaštusaid ohcamuššii. Stáhtahálddašeaddji geavaha dieđuid boazodoalldieđáhusas ja dieđuid mat bohtet njuovahagain mat leat Eanandoalldirektoráhta njuovvanbásas go meannuda ohcamuša. Dat dieđut leat olámuttus ohcciide, guđet geavahit digitála čovdosa. Ohcci ferte ieš deavdit dietnasa maid njuovahat ii raportere, nu go bonus ja vuovdin priváhtaolbmuide. Dárkkisteami oktavuođas sáhtá boazosearvi dahje siidaoassejodiheaddji bivdojuvvot duođaštit dieđuid, vrd. § 13.

Ohccit guđet eai oza digitálalaččat sáhttet geavahit sierra skovi, LDIR-649 B. Dan skovi galgá sáddet stáhtahálddašeaddjái dan boazodoalloguovllus gosa siidaoassi gullá. Stáhtahálddašeaddji registrere ohcamuša digitála čovdosii. Njuovahaga raporta njuovvama birra ii lea olámuttus ohcciide geat eai geavat digitála čovdosa. Ohccit guđet áigot daid dieđuid fertejit váldit oktavuođa stáhtahálddašeddjiin iežas guovllus.

Nubbi lađas: Ohcanáigemearri

Siidaoasse- ja boazosearvedoarjaga ohcanáigemearri lea miessemánu 31. beaivvi ohcanjagis. Jus ohcamuš sáddejuvvo elektrovnnalaččat, de dat galgá leat sáddejuvvon ovdal dii. 23:59 miessemánu 31. beaivvi. Ohcamušat mat sáddejuvvot báberhámis galget ožžon poastasteampila ovdal áigemeari dahje dolvojuvvon stáhtahálddašeaddjái ovdal áigemeari.

Goalmát lađas: Dispensašuvdna ohcanáigemearis

Jus siidaoassi/boazosearvi ii sáhte sáddet ohcamuša ovdal miessemánu 31. beaivvi erenoamáš sivaiddi, de sáhtá stáhtahálddašeaddji dispenseret ohcanáigemearis. Stáhtahálddašeaddji galgá árvvoštallat áigemeari dispensašuvnna dalle go ohcamuš lea sáddejuvvon maŋŋel áigemeari. Stáhtahálddašeaddji sáhtá árvvoštallama oktavuođas bivdit ohccis dieđuid ohcamuša maŋŋoneami birra.

«Erenoamáš» siva mearkkaša dábálaččat ahte lea dáhphuvvan juoga mii lea áibbas erenoamáš ja eahpedábalaš. Dispensašuvdnalohpi gávno sihkarastin dihte dakkár dilálašvuođaide maid láhkaaddi ii sáhtán diehtit go dihto njuolggadus dahje eaktu mearriduvvui. «Erenoamáš siva» sáhtá ovdamearkka dihte leat buozalmasvuohta dahje fáhkka dáhphus mii dagahii ahte siidaoassejodiheaddji dahje boazosearvvi oktavuođaolmmoš ii sáhtán sáddet ohcamuša áigemearrái. Ášši árvvoštallojuvvo ollislaččat. Goas buozalmasvuohta dahje fáhkka dáhphus geavai ja man duođalaš dat lei sáhtá leat dehálaš árvvoštallamii. Ohcci galgá nu bures go sáhtá mitalit stáhtahálddašeaddjái ášši birra ja duođaštit maŋŋoneami siva, jus dan sáhtá duođaštit.

Jus ohcci vásiha váttisvuođaid digitála ohcamušain, de ferte váldit oktavuođa stáhtahálddašeddjiin nu jođánit go vejolaš.

Buohkat guđet sáddejit digitála ohcamuša ožžot duođaštusa Altinn:as ahte ohcamuš lea sáddejuvvon, Jus ohcci ii leat ožžon dakkár duođaštusa, de berre ohcci váldit oktavuođa stáhtahálddašeddjiin iskan dihte váttisvuođaid sisasáddemiin.

§ 7. Sierra doaibmadoarjja nuoraide

Siidaoasi jodiheaddji, guhte lea vuollel 30 jagi ođđajagimánu 1. beaivvi boazodoallojagis, sáhttet oazžut doaibmadoarjaga gitta 40 000 ruvno. Oktasaš siidaoasis sáhtá boarrásit náittos- dahje ássanguoibmi leat badjel 30 jagi.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus guoská dušše siidaoassejodiheddjiide. Boazosearvvit eai sáhte oažžut doarjaga.

Nuoraid sierra doaibmadoarjaga ulbmil lea doarjut nuorra siidaoassejodiheddjiid geat leat ásaheame iežaset doalu.

Doarjaga sáhtta oažžut go ohcci lea vuollel 30 jagi ođđajagimánu 1. beaivvi dan kaleanddarjagis go ohcamuš sáddejuvvo.

Oktasaš siidaoasi siidaoassejodiheaddjit sáhttiba oažžut doarjaga vaikko boarrásit náittos- dahje ássanguoibmi lea badjel 30 jagi, jus fal nuorabut jodiheaddji ii leat deavdán 30 jagi ođđajagimánu 1. beaivvi dan boazodoallojagis man ovddas ohcá doarjaga.

§ 8. Sierra doaibmadoarjja nissonolbmuide

Nissonolbmuide geat akto jodihit siidaoasi ja geain boazodoallu lea váldoealáhus sáhtta juolluduvvot sierra doaibmadoarjja gitta 40 000 ruvnno rádjái.

Go boazodoallu lea váldoealáhussan, de mearkkaša ahte unnimusat 50 proseantta siidaoassejodiheaddji dienas boahtá divatgeatnegahtton biergovuovdimis iežas mearkkas. Nissonolbmot, geat leat leamaš boazodoalloahpahallin jagi ovdal go ožžo siidaoasi, sáhttet oažžut doarjaga dan jagi ovddas jus unnimusat 50 proseantta dietnasis boahtá oahpahallibarggus.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus guoská dušše siidaoassejodiheddjiide. Doarjja ii juolluduvvo boazoservviide.

Ulbmil sierra doaibmadoarjagiin nissonolbmuide lea doarjut nissonolbmuid geat akto leat jodiheaddjin siidaoasi ovddas ja geain boazodoallu lea váldoealáhussan.

Nubbi lađas: Boazodoallu váldoealáhussan

Boazodoallu váldoealáhussan lea dan mearrádusa mielde go unnimusat 50 proseantta siidaoassejodiheaddji persovdnadietnasis maŋemus litnegis boahtá divatgeatnegahtton vuovdindietnasis iežas mearkkas. Dat lea seamma definišuvdna vuovdindietnasis go § 3 nr. 2 mitala. Eará dienas bohccos, ovdamearkka dihte dienas duoljis, čorvviin ja duojis eai lohkkjuvvo dienasin. Ovdamearkka dihte lea boazodoallojagi 2024 – 2025 logut 2023 litnegis. Vuovdindienas bohccos iežas mearkkas seamma kaleanddarjagis go litnet biddjo vuodđun go eaktu galgá árvvoštallojuvvo.

Sidjiide, geat leat leamaš oahpahallin, galgá váldoealáhuseaktu árvvoštallojuvvo báلكká ektui. Stáhtahálddašeaddji geahččá ollislaččat ohcci dienasdieđuid ja árvvoštallá galgá go doarjja juolluduvvot.

§ 9. Álggahandoarjja

Olmmoš guhte oažžu dahje geasa ásaheami siidaoassi ovdal go lea deavdán 35 jagi, sáhtta oažžut álggahandoarjaga gitta 120 000 ruvnno vuosttaš jagi maŋŋel sirdima dahje ásaheami ja gitta 100 000 ruvnno jagis boahktevaš guokte jagi maŋŋel sirdima dahje ásaheami. Jus siidaoassi sirdojuvvo náittosguimmežiidda dahje ássanguimmežiidda, de sáhtta boarrásit náittos- dahje ássanguoibmi leat badjel 35 jagi go siidaoassi sirdojuvvo dahje ásaheami.

Dienasgáibádus § 3 nr. 2 ii guoska sutnje guhte ohca álggahandoarjaga.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus guoska dušše siidaoassejodiheddjiide. Boazosearvvit eai sáhte oažžut doarjaga.

Álggahandoarjja galgá doarjut boazodolliid guđet leat vuollel 35 jagi ja leat álggahan dahje ožžon iežaset siidaoasi.

Vuosttaš lađas: Álggahandoarjaga eavttut

Siidaosiid ásaheami lea mearriduvvon boazodoallolága § 11 bokte. Siidaoassi sáhtta sirdojuvvot eaiggátsirdima bokte jus earret eará vuovdá, árbe, skenke jna., ja lea mearriduvvon boazodoallolága § 15 bokte. Siidaosiid ásaheami ja sirdima dohkkeha stáhtahálddašeaddji. Áigemuddu ásaheami/sirdimii lea dáhton mii lea namuhuvvon stáhtahálddašeaddji áššemearrádusas go dohkkehii ásaheami/sirdima.

Gáibádus ahte ohcci galgá leat vuollel 35 jagi gusto dan áigemuddui go siidaoassi ásaheami/sirdojuvvo. Jus ohcci deavdá 35 jagi vuosttaš golbma jagiid siskkobealde maŋŋel ásaheami/sirdima, de sus goitge lea riekti oažžut álggahandoarjaga jagis 2 ja 3.

Jus siidaoassi sirdojuvvo náittos- dahje ássanguimmežiidda, nu ahte šaddá oktasaš siidaoassin boazodoallolága § 13 mielde, de máksojuvvo okta doarjja. Gáibádus ahte galgá leat vuollel 35 jagi dalle go siidaoassi sirdojuvvo guoska dakkár dáhpáhusain nuorabut náittos-/ássanguoibmái.

Álggahandoarjaga máksomearit

Álggahandoarjaga máksomeari lea 120 000 ruvnno vuosttaš jagi maŋŋel ásaheami/sirdima, ja 100 000 ruvnno guokte čuovvovaš jagiid. Máksomeari guoska ásaheami/sirdináigemuttu rájes, ii ge dalle go vuosttaš geardde ohca doarjaga.

Nubbi lađas: Spiehkastat dienasgáibádusas § 3 vuosttaš lađđasis nr. 2

Ohcci sáhtta oažžut álggahandoarjaga vaikko sus ii leat leamaš divatgeatnegahtton vuovdindienas unnimusat 50 000 ruvnno maŋemus kaleanddarjagis. Spiehkastat guoska dušše álggahandoarjagii. Ohccis ii leat riekti oažžut eará doarjagiid jus dienasgáibádus ii leat devdovuvvon.

§ 10. Buvttadanvuoitu

Boazosearvi dahje siidaoasi jodiheaddji sáhtta oažžut buvttadanvuoittu mii dahká gitta 41 proseantta buot divatgeatnegahtton biergovuovdimis ekskl. lassiarvodivada ja eará

divatgeatnegahtton ealáhusdietnasis mii boahdá boazosearvvi bohccuin dahje siidaoassejođiheadđji bohccuin manemus kaleanddarjagis.

Siidaoasi eará boazoeaiggádiid dáfus meroštallojuvvo buvttadanvuoitu siidaoasi boazoeaiggádiid bohccuid biergovuovdindietnasiid ja eará vuovdindietnasiid vuođu.

Gáibiduvvo raporterren go biergovuovdindietnasis ja eará dietnasis bohccos mii lea vuvdojuvvon njuovahakkii njuolggadusa njuovjuvvon bohccuid ja vuorkáhivvodaga vuođu vai dat sáhtá leat mielde buvttadanvuoitu meroštallanvuođu.

Ealihanbohccuid vuovdindietnasat, ja fievrredan- ja njuovvanolggosgolut eai leat buvttadanvuoitu meroštallanvuođu.

Dienas bohccuin mat leat njuovjuvvon dahje vuvdojuvvon olggobealde Norgga rájiid eai rehkenastojuvvo divatgeatnegahtton dienasin vuosttaš čuoggá mielde, earret go jus boazu gullá olgoriikka reidenortnega vuollái.

Ii máksojuvvo buvttadanvuoitu divatgeatnegahtton sisabođu mii lea badjel 700 000 ruvno guđege siidaoasi nammii ja 1 500 000 ruvno guđege boazosearvvi nammii.

Eanandoalldirektoráhtta sáhtá addit dispensašuvvna guđat lađđasa dienasrájis go heaittiha siidaoasi mas olles eallu njuovjuvvo.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Siidaoassejođiheddjiid ja boazoservviid buvttadanvuoitu meroštallanvuođu

Ulbmil buvttadanvuoituin lea bálkáhit árbajidjama, buvttadeami ja reidema ealáhusas.

Mearrádus earuha siidaoassejođiheddjiid/boazoservviid dietnasiid ja siidaoasi eará boazoeaiggádiid dietnasiid mat galget leat mielde buvttadanvuoitu meroštallanvuođu.

Dienas galgá leat divatgeatnegahtton

Lea dušše divatgeatnegahtton vuovdindienas mii lea meroštallanvuođu siidaosiid ja boazoservviid buvttadanvuoitu doarjagis. Divatgeatnegahtton vuovdindienas lea čilgejuvvon kommentáras § 3 vuosttaš lađas nr. 2.

Dienas ferte boahtit bohccos

Lea dušše biergovuovdin mii lea meroštallanvuođu vuovdindietnasis § 3 vuođu. Maiddái vuovdin/dienas eará buktagiin bohccos, ovdamearkka dihte duolli, čoarveduodji, sisti, dávtit j.e. leat vuođu buvttadanvuoitu meroštallamii.

Dienas iežas dáidagis, mii lea bohccos ráhkaduvvon, ii leat divatgeatnegahtton, vrd. lasseárvodivatlága § 3-7 nr. 4, ja dan dihte ii leat meroštallanvuođu siidaoassejođiheadđji/boazosearvvi dietnasis.

Eará dienas mii ii boade buvttadeamis ja reidemis, vrd. ulbmil mearrádusain, nu go turisten, herggiid luoikkaheapmi, luoikkahit olbmuid orrunsaji boazodoalus, dahje dienas bivdimis/guolásteamis dahje murjemis boazodoalloguovllus ii leat buvttadanvuoitu meroštallanvuođu. Dat guoská maiddái ealihanbohccuid vuovdin ja fievrredan- ja njuovvangoluide.

Dienas bohccos mii lea njuvvojuvvon njuovahagas

Vuovdindienas bohccos mii lea njuvvojuvvon njuovahagas ferte leat raporterengáibádusaid mielde njuvvojuvvon bohccuid ja vuorkáhivvodaga raporterema njuolggadusas. Aktevera, guhte oastá bohcco boazoeaiggádis njuovvama váste lea son guhte galgá raporteret. Dat lea dábálaččat njuovahat dahje reidejeaddji.

Vuovdindienas bohccos mii lea njuvvojuvvon njuovahagas lea ovdagihtii devdojuvvon ja olámuttus digitála ohcamušas. Dat dieđut vižžojuvvot njuovvanbásas. Jus ohcci fuomáša boasttuvuođaid ovdagihtii devdojuvvon dieđuin, de ferte ohcci váldit oktavuoda njuovahagain/reidejeddiin mii lea raporteren loguid vai sii sáhttet divvut boasttuvuođa.

Siidaoasi eará boazoeaiggádiid buvttadanvuoittu meroštallan

Buvttadanvuoitu rehkenastojuvvo biergovuovdima dietnasis ja eará gálvvuiguin bohccos mañemus kaleanddarjagi siidaoasi eará boazoeaiggádiidda. Maiddái dan meroštallamis lea vuovdindienas go sirdá gálvvuid ja oažžu mávssu dan ovddas.

Siidaoasi eará boazoeaiggádiin ii gáibiduvvo ahte vuovdindienas lea divatgeatnegahtton. Ii gáibiduvvo ahte siidaoasi eará boazoeaiggádiid vuovdindienas leat divatgeatnegahtton dan dihte vai maiddái sin vuovdindienas, geat eai leat geatnegahtton rehkenastit ja máksit lasseárvodivvaga, sáhtta biddjot dienasvuđui.

Buvttadanvuoitu rehkenastojuvvo netto vuovdindietnasis

Buvttadanvuoitu rehkenastojuvvo netto vuovdindietnasis, das oaivvilduvvo boazoeaiggáda loahpparehket ekskl. lasseárvodivat. Dat dárkkuhuvvui Prop. 77 S, čuoggás 7.4.3 a. Haddi mañjel njuovvan- ja fievrrangessosa lea dat mii biddjo vuodđun buvttadanvuoittu rehkenastimii.

Vuovdindienas galgá leat háhkkojuvvon mañemus kaleanddarjagi

Vuovdindienas galgá leat háhkkojuvvon mañemus kaleanddarjagis. Das oaivvilduvvo ahte bohccobierggu vuovdin ja eará bohccobuktagiid vuovdin galgá dáhpáhuvvon ovdal juovlamánu 31. beaivvi jagi ovdal ohcanjagi, vaikko máksin – leaš dal ruđain máksin dahje lonohallama bokte – geavvá nuppi jagi.

Duođaštus dienasráji olaheamis

Stáhtahállddašeaddji sáhtta bivdit duođaštusa vuovdindietnasiid birra ohcamuša dárkkisteami oktavuodas. Duođaštusat berrejit čájehit makkár gálvu lea vuvdojuvvon ja goas gálvu vuvdojuvvui ja máksojuvvui – vejolaččat vel ahte vuovdi gáibida ruđa mañjel.

Dieđut dietnasa birra mii boahká njuovahagas leat njuovvanraporttain maid njuovahagat leat sáddet Eanandoalldirektaráhttii. Njuovahaga haddi bohccobierggus ja eará dieđut vuovdima áigemuttus bohtet ovdan dain raporttain. Boazoeaiggáda priváhta vuovdindienas bohccobuktagiin bohccos maid ieš lea njuovvan, dahje bohccos man njuovahat lea njuovvan ja man boazoeaiggát lea vuovdán priváhtaolbmui, dan sáhtta vuovdinlihpu duođaštit.

Siidaoassejodiheaddji ferte sáhttit dahkat duohtan stáhtahállddašeaddjái, ahte eará boazoeaiggádiid vuovdindietnasat ja hattit, mat eai leat divatgeatnegahtton, leat riektá.

Boazu galgá leat njuvvojuvvon ja vuvdojuvvon Norggas

Dienas bohccos mii lea njuvvojuvvon ja/dahje vuvdojuvvon Norgga olggobealde ii leat buvttadanvuoittu meroštallanvuodas. Dienas dakkár njuovvamis/vuovdimis ii rehkenastojuvvo divatgeatnegahtton vuovdinsisabohtun njuolggadusaid vuodul. Mearrádus gusto sihke bohccuide

mat leat njuovvovuvvon Norggas ja vuvdojuvvon olgoriikkas, ja bohccuide mat leat njuovvovuvvon olgoriikkas.

Spiehkastat dan njuolggadusas leat njuovvovuvvon bohccot mat leat olgoriikka reidenortnega vuolde. Eambbo dieđuid ortnega birra gávnnat Eanandoalldirektoráhta neahttasiiddus eanandoallogálvvuid sisafievrrideami vuolde.

Buvttadanvuoittu máksomearri ja dienasrádji

Buvttadanvuoittu máksomearri lea gitta 41 proseantta oktasaš dietnasis mii lea meroštallanvuodus das badjelis. Buvttadanvuoittu ii oaččo dietnasa ovddas badjel dienasráji, mat leat 700 000 ruvnno siidaoassejodiheddjiide ja 1 500 000 ruvnno boazoservviide, vrd. guđát lađas.

Dispensašuvdnalohpi

Go siidaoassi galgá heahtihuvvot, ja olles eallu njuovvovuvvot, de sáhtta Eanandoalldirektoráhta mearridit ahte galgá máksojuvvot doarjja vuovdindietnasis mii rihkku ráji mearriduvvon viđat lađđasis.

Siidaoassi oidnojuvvo heahtihuvvon go ovddasvástádus ii leat sirdojuvvon nubbái. Dat čuovvu boazodoallolágas § 16 vuosttaš láđđasis. Dasa lassin lea eaktun dan njuolggadusa vuodul ahte olles siidaoasi eallu lea njuovvovuvvon, sihke bohccot mat gullet siidaoassejodiheddjiide ja eará siidaoasi miellahtuid bohccot.

Heahtihandiedáhus sáddejuvvo stáhtahálldašeaddjái, vrd. boazodoallolága § 16 goalmát lađas.

§ 10a. Doarjja bensiinna geaidnogeavahandivada buhtadussan

Boazosearvi dahje siidaoasi jodiheddji sáhtta oažžut doarjaga bensiinna geaidnogeavahandivada buhtadussan. Doarjja rehkenastojuvvo bohccuid vuodul mat leat njuovvovuvvon ja raporterejuvvon njuovvovuvvon bohccuid reporterema ja biergohivvodaga njuolggadusaid mielde. Meroštallan dahkko čuovvovaš máksomeriid vuodul:

Máksomearri	Njuovvan (kilo)	Doarjja (ruvnnot)
1	500–999	4 000
2	1000–2499	8 000
3	2500–4999	15 000
4	5000 ja badjel	20 000

Kilde: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Bensiinna geaidnogeavahandivat

Geaidnogeavahandivat lea divat mii máksojuvvo stáhtii, ja dat lasihuvvo iešguđetlágan boaldámušaide motoriserejuvvon fievruides. Stuoradiggi mearrida divvaga sturrodaga Stuoradikkemearrádusa bokte juohke bušeahhtajagi ovddas. Geavaheddjiide lea divat juo boaldámuša hattis go oastá boaldámuša. Divvagis lea ulbmilin gokčat goluid geainnuid geavaheapmái ja gollamii. Boazodoalu vuojanat geavahuvvojit dávjá eará ládje ja daiguin ii vuoje luottaide alde, liikká gártet boazobargit máksit divvaga go ostet boaldámuša.

Ulbmil doarjagiin lea buhtadit geaidnogeavahandivvaga mii máksojuvvo go oastá boaldámuša. Doarjja rehkenastojuvvo siidaoasi buvttadeami vuodul, go jurddašuvvo ahte sis geain lea eambbo

buvttadeapmi maiddá i geavahit eambbo boaldámuša iežaset boazodoalus. Doarjja biddjo máksomeriid mielde mearriduvvon cehkiin, maid vuodđun leat njuovvanlogut maid njuovahat lea raporterren. Priváhtanjuovvan ii váldo mielde dan meroštallamis.

Doarjja ii leat oaivvilduvvon liige buvttadanvuoitun.

§ 11. Miessenjuovvandoarjja

Boazosearvi dahje siidaosi jodiheaddji sáhtta oažžut miessenjuovvandoarjaga mii dahká gitta 740 ruvno miesis mii lea njuovvovuvvon ja raporterejuvvon njuovvovuvvon bohccuid ja vuorkáhivvodagaid raporterema njuolggadusaid mielde. Njuovvan ferte leat čađahuvvon njuovahagas mii mihtida bohccogorudiid optihkalaš guhkkodatmihtidemiin.

Sáhtta juolluduvvot kvalitehtalasáhus gitta 100 ruvno guđege miessegoruda nammii EUROP-luohkká O+ rájes E+ rádjái.

Doarjja juolluduvvo misiid ovddas maid njuovvá áigodagas borgemánu 15.b – njukčamánu 31.b.

Miessenjuovvandoarjja sáhtta maiddá addojuvvot misiid ovddas mat bálkásit ja mat massojuvvojit radioaktivehta-doaimabijuid geažil.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Ulbmil miessenjuovvandoarjagiin lea váikkuhit ahte stuorát oassi biergobuvttadeamis boahá miessenjuovvamis. Miessenjuovvan geahpeda ealáhaga dálveguohtunguovllus ja unnida dálvvi vahága. Eambbo miessenjuovvan váikkuha maiddá buvttadanlassáneapmái, go miesit dagahit eambbo lassáneami go boarrásit bohccot.

Siidaosi/boazosearvi njuovvovuvvon misiid ovddas sáhtta oažžut miessenjuovvandoarjaga.

Vuosttaš lađas: Miessenjuovvandoarjaga eavttut

Miessenjuovvandoarjja addojuvvo dušše misiid ovddas mat leat njuovvovuvvon dohkkehuvvon njuovahagas ja raporterejuvvon Eanandoalldirektoráhtii. Listu dohkkehuvvon boazonjuovahagain gávdno Biebmbearráigeahču neahttasiidduin.

Njuovahagat galget ollašuhit raporterennjuolggadusaid §§ 4 ja 5 eavttuid raporteremii, okta eaktu raporterennjuolggadusain lea ahte gorut galgá mihtiduvvot optihkalaš guhkkodatmihtideami bokte.

Njuovahaga raportat leat ovdagihtii devdojuvvon ja olámuttus digitála doarjjaohcančovdisis.

Nubbi lađas: Kvalitehtalasáhus

Kvalitehtalasáhusa ulbmilin lea loktet boazodoalu njuovvankvalitehta. Miessenjuovvan mii deavdá njuovvankvalitehta eavttuid, sáhttet oažžut eambbo doarjaga go eará miessenjuovvan.

EUROP-systema lea standardiserejuvvon klassifiserensystema njuovvovuvvon bohccuide, ja lea geatnegahtton buot EU-riikkaide. Systema geavahuvvo bierggu, buoidi ja dávttiid sisdoalu árvvoštallamii, ja lea metoda mii lea bures duodaštuvvon. Eambbo dieđuid klassifiserensystema EUROP birra gávnnat [Animalia neahttasiiddus](#).

Goalmmát laðas: Doarjja bálkestuvvon ja massojuvvon misiid ovddas

Muhtomin lea miessi nu heitot go njuovjuvvo ahte bálkestuvvo. Dat mearkkaša ahte njuovahat ii mávsse boazoeaiggádii miesi ovddas. Miessenjuovvandoarjaga sáhtta maiddái oažžut dakkár misiid ovddas, danin go doarjja oalguha boazoeaiggádiid njuovvat heajos misiid dan ovdii go doalahit daid dálvvi čađa, mii sáhtta vahagahttit dálveguohtunguovllu ealáhaga.

Ovdal lea leamaš eahpesihkarvuhta goas miessi rehkenastojuvvo bálkestuvvon. Oasálaččat šiehtadedje ahte doaba “bálkestuvvon miessi” njuolggadusas mearkkaša buot misiid maid Biebmobearráigeahčču bálkesta njuovahagain, vrd. čuoggá 3.2.2 boazodoallošiehtadus 2021/2022.

Miessenjuovvandoarjaga sáhtta maid oažžut misiid ovddas maid massá rádioaktivitehta geažil.

§ 12. Náittos-/ássanguoibmelasáhus

Jus náittos-/ássanguimmežat goappašagat bargaba bohccuiguin seamma siidaoasis, ja goappašagat leaba siidaoasi jodiheaddjin, de sáhtta siidaoassái juolluduvvot liige jodihandoarjja gitta 30 000 ruvnno rádjái. Ii leat eaktun ahte goappašagain lea sierra mearka.

Lea eaktun ahte náittos-/ássanguimmežagat eaiggádeaba bohccuid seamma siidaoasis. Stáhtahálldašeaddji sáhtta dispenseret dán gáibádusas dan doaibmajagi ovddas go náittos-/ássandilli ásahuvvui.

Náittosguoibme-/ássanguoibmelasáhus ii sáhte juolluduvvot jus nuppis, ovddit litnegis, lei dienas olggobealde boazodoalu eanet go 400 000 ruvnno. Árrasdoaibmabuhtadus boazodoalloealáhusas lea dan oktavuodas dienas boazodoalus.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus guoská dušše siidaoassejodiheaddjiide. Boazosearvvit eai sáhte oažžut lasáhusa. Ulbmil náittosguoibme-/ássanguoibmelasáhusain lea doarjut boazodoalu bearašvuodu, ja loktet ealáhusa dienasvuodu dili láchima bokte nu ahte goappaš náittos-/ássanguimmežagat sáhttiba searvat seamma eavttuiguin.

Dienasrádjegáibádus, mii lea 400 000 ruvnno goappáge náittos-/ássanguoibmái, sihkarastá ahte goappašagat bargaba bohccuiguin, eaba ge bargga ollesáiggi muhtun eará sajis ja ahte boazodoallu ii leat astoáiggedoaibman sudnuide.

Vuosttaš laðas: Gáibádus aktiivvalaččat bargat bohccuiguin

Náittos-/ássanguimmežat ferteba bargat bohccuiguin aktiivvalaččat seamma siidaoasis

Doaba “aktiivvalaččat bargat bohccuiguin seamma siidaoasis” mearkkaša ahte siidaoassejodiheaddji ja náittos-/ássanguoibmi goappašagat galgaba gullat siidaoasi dollui masá ohcojuvvo doarjja. Leat dušše siidaoasit gos náittos-/ássanguoimmit goappašagat leaba čáliuvvon jodiheaddjin siidaoasis geat sáhttiba oažžut náittosguoibme-/ássanguoibmelasáhusa.

Boazodoallu galgá leat “seamma siidaoasis”. Ohcci ii sáhte leat jodiheaddji siidaoasis seammás go lea reanjan/biigán eará siidaoasis olles boazodoallojagi čađa.

Náittos-/ássanguoimmis ii dárbbáš leat iežas mearka

Ii leat gáibádus ahte náittos-/ássanguoimmis lea sierra mearka. Jus goappašagain lea sierra mearka ja vejolaččat bohccot, de lea liikká gáibádus ahte goappašagain leat bohccot seamma siidaoasi vuolde, vrd. nuppi lađđasa.

Nubbi lađas: Gáibádus eaiggádit bohccuid seamma siidaoasis

Goappašat bealit náittos-/ássandilis ferteba eaiggádit bohccuid seamma siidaoasis jus galgaba oažžut náittosguoibme-/ássanguoibmelasáhusa. Dat gusto dušše jus goappašat belliin leat bohccot iežas mearkkas. Maŋnel go dat ortnet rievdaduvvui gustot dušše náittos-/ássanguimmežiidda geat goappašat leaba jodiheaddjin seamma siidaoasis, de eaktu automáhtalaččat ollašuvvá, go ii leat lohpi eaiggádit bohccuid eambbo go ovtta siidaoasis, vrd. boazodoallolága § 10 goalmmát lađas.

Dispensašuvdnalohpi

Dan doaibmajagi ovddas go náittos-/ássanguoibmedilli lihtoduvvui, de sáhtta stáhtahálldašeaddji dispenseret gáibádusa eaiggádit bohccuid seamma siidaoasis.

Áigemuddu ássanguoibmedilálašvuođa lihtodeapmái boahtá ovdan boazodoallolágas § 13. Mearrádusa goalmmát lađđasa vuodul leaba náitalkeahkes olbmot geat orruva ovtas ássanguimmežat jus:

1. sudnos leat dahje leat leamaš oktasaš mánát,
2. soai ovdal leaba leamaš náittosdilis, dahje
3. soai leaba eallán náittoslágan dilis guokte jagi

Dávjá gáibiduvvo ahte mearkalávdegoddi dohkkeha mearkka sirdima ovdalgo bohccot sáhttet sirdojuvvot oktasaš siidaoassái. Bohccot sirdojuvvojit dábalaččat maŋnel doaibmajagi, cuoŋománu 1. beaivvi rájes. Danin sáhtta leat govtoheapme dakkár dilálašvuođas gáibidit ahte bohccot sirdojuvvojit seammás go náittos-/ássanguoibmedilli ásašuvvo.

Lea stáhtahálldašeaddji duohken árvvoštallat ahte galget go duodaštusat vižžojuvvot mat sáhttet duodaštit dieđuid, ja maid makkár duodaštusat galget vižžojuvvot ohccis. Dakkár duodaštusat sáhttet leat álbmotregistara duodaštus náittosdillái/oktasaš čujuhussii ja maŋemus litnet.

Goalmmát lađas: Dienasrádji

Ii sáhte oažžut doarjaga jus nubbi náittos-/ássanguoimmis lea dienas eará sajis go boazodoalus eambbo go 400 000 ruvnno maŋemus litnegis. Maŋemus litnet mearkkaša dat litnet mii lea gustovaš go ohcá doarjaga. Ovdamearkka dihte lea boazodoallojagi 2023 – 2024 maŋemus litnet 2022.

Árrasdoaibmabuhtadus boazodoalloealáhusas rehkenastojuvvo boazodoalu dihte dienasin, ja dienasrádji ii guoskka dasa.

Boazodoalu árrasdoaibmaovdamearkkat:

- Boazodoallostivrra/Boazodoalu Ovdánahttinfoandda miellahtu
- Mearkalávdegotti miellahtu
- Mearkaáššiid váidinlávdegotti miellahtu
- orohatstivrra miellahtu
- miellahtu boraspirelávdegottis dahje ráđđeaddi boraspireáššiid gulahallanlávdegottis fylkkas/riikkas

- NBR stivramiellahtu
- Det Faste Utvalget-miellahtu (Norgga ja Ruota gaskka konvenšuvdna)
- Norgga ja Ruota gaskka boazoguohtunkonvenšuvnna šiehtadanlávdegotti/fágajoavkku miellahtu
- Sámevuoigatvuođalávdegotti miellahtu

Stáhtahálddašeaddji sáhtta bagadallat makkár buhtadusat rehkenastojit boazodoalu dienasin.

§ 13. Opplysningsplikt og kontroll

Doarjaga vuostáiváldit leat dán njuolggadusa vuodul geatnegahtton addit buot dieđuid maid boazodoalloeiseválddit dárbbasit doarjjaortnegiid hálddašeapmái, dahje boazodoallošiehtadusa ollašuttimii.

Boazodoalloeiseválddit bearráigeheččet ahte doarjjamáksin šaddá riehta, ja sii besset oaidnit buot girjedoalu, gulahallama ja mearkkašemiid mat gullet doarjagii. Boazodoalloeiseválddit sáhttet gáibidit goluid dárkkistuvvot rehketdoalu doaimmain main lea revisuvdnageatnegasvuohta.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Njuolggadusa § 13 vuosttaš lađđasa vuodul lea doarjjavuostáiváldis, sihke duohta- ja vejolaš vuostáiváldis, geatnegasvuohta addit boazodoalloeiseválddiide (stáhtahálddašeaddjai, Eanandoalldirektoráhttii ja Eanandoallo- ja biebmodepartementii) daid dieđuid maid eiseválddit bivdet ortnega hálddašeami oktavuodas. Mearrádusa galgá ipmirdit nu, ahte boazodoalloeiseválddit sáhttet dušše gáibidit dieđuid mat leat meannudeapmái áššáiguoskevaččat.

Boazodoalloeiseválddit dábálaččat bivdet doarjjavuostáiváldi skáhppot dieđuid ja duođaštusaid vai lea mielde juohkime relevántta dieđuid iežas áššis. Jus doarjjavuostáiváldi ii juoge dieđuid mat bivdojuvvot, de boazodoalloeiseválddit fertejit mearridit ášši dieđuid ja duođaštusaid vuodul mat leat olámuttos.

§ 14. Dieđuid viežžan

Ohcangieđahallama ja doarjjamáksimiid dárkkisteami oktavuodas sáhtta boazodoalloeiseváldi viežžat dieđuid almmolaš eiseválddiin.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Áššemeannudeami ja dárkkisteami oktavuodas lea stáhtahálddašeaddjis dárbu viežžat dieđuid ohcci birra almmolaš eiseválddiin. Dat sáhtta leat ovdamearkka dihte dienasdieđut Vearroetáhtas ja raporterejuvvon dieđut njuovahagas. Dat mearrádus addá vuoigatvuođa viežžat dieđuid ohcci miehtama haga. Mearrádus guoská dieđuide mat eai vižžojuvvo § 13 mielde. Dieđut mat vižžojuvvot sáhttet dušše geavahuvvot áššemeannudeapmái ja doarjjamáksámušaid dárkkisteapmái.

Áššemeannudeapmi oktavuodas vižžojuvvot dieđut earret eará dain:

- Eanandoalldirektoráhtta
- Boazodoalldiedáhhus
- Njuovvanbása
- Vearroetáhtta
- Oktavuoda- ja várrenregisttar

Siidaossejođiheaddjis dahje oktavuodaolbmoss lea vejolašvuohta ieš rievdadit oktavuodadieđuid, dahje várret iežas digitála gulahallamii almmolaš hálddašemiin jus logge sisa Oktavuoda- ja várrenregistarii.

§ 15. Boasttomáksimiid divvun

Boazodoalloeiseválddit sáhttet divvut boasttomáksojvvon doarjagiin, juogo manjilmáksimiin dahje doarjaga ruovttoluottamáksingáibádus doarjjavuostáiváldis.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus dárkkuha ahte boazodoalloeiseválddit (stáhtahálddašeaddji, Eanandoalldirektoráhtta ja Eanandoallo- ja biebmodepartemeantta) sáhttet boasttomáksimiid divvut.

Boazodoalloeiseválddit sáhttet dakkár oktavuodain gáibidit ruovttoluotta doarjaga mii lea máksojvvon badjel meari, dahje manjil máksit doarjaga mii lea máksojvvon beare unnán.

Mearrádus gusto sihke dalle go duohta máksin ii oktiivástit doarjjasupmiin áššemearrádusas, ja go máksinmearrádusa dieđut vuodđuduvvojit boasttodieđuide, mii lea dagahan boasttomáksima.

Doarjja mii lea beare unnán mákson divvojuvvo go boazodoalloeiseválddit manjil mákset váilevaš supmi doarjjavuostáiváldái. Doarjjavuostáiváldi oažžu dieđu boazodoalloeiseválddiin go dat lea dahkkon.

Badjelmeari máksojvvon doarjja sáhtta gáibiduvvot ruovttoluotta doarjjavuostáiváldis jus dat lea boazodoalloeiseválddiid árvvoštallama vuodul govtolaš. Árvvoštallamii váldo vuhtii ahte doarjja lea juo mákson go lea sáhka ruovttoluottagáibideamis. Jus doarjjavuostáiváldi ipmirdii dahje livčče galgan ipmirdit ahte doarjaga máksin lei boastut, de dat mielddisbuktá dábálaččat ahte doarjja gáibiduvvo ruovttoluotta máksojvvot.

Go máksinmearrádus vuodđuduvvo boasttudieđuid ala, de fertejit boazodoalloeiseválddit vuos rievdadit dan. Doarjjavuostáiváldái sáddejuvvo rievदानmearrádus oktan ruovttoluottamáksingáibádusain.

§ 16. Unnideapmi je.

Jus ohcci fuollameahttumit dahje eaktodáhtolaččat lea addán boasttodieđuid dahje váilevaš dieđuid doarjjaohcamis mii lea dahje livččii sáhttan dagahit ahte doarjja máksojvvon eahpevuoiggalaččat, de sáhtta doarjja ollásit dahje belohakkii unniduvvot.

Jus doarjjavuostáiváldi fuollameahttumit dahje eaktodáhtolaččat doaibmá dahje lea doaibman boazodoalloealáhusa lágaid dahje njuolggadusaid vuostá, de sáhtta doarjja ollásit dahje belohakkii bissehuvvot dassáži go dili lea njulgejuvvon. Jus rihkkuma olis lea leamaš roavva fuollameahttuvuohta dahje eaktodáhtolašvuohta, de sáhtta doarjja ollásit dahje belohakkii unniduvvot.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Obbalaččat unnideami birra

Unnideapmi mearkkaša ahte boazodoalloeiseválddit unnidit doarjaga man ohcci rievtti mielde sáhtášii oažžut.

Unnideami mearrádusa mihttu lea čavget ohcci várrogasvuođa go deavdá ohcama. Unnideamis ii leat ránggášteaddji ulbmil, ja dan ii galgga ipmirdit ránggáštussan.

Doarjjaohccit geat ieža diedihit stáhtahálldašeaddjái boasttodieđuid birra ožžot dábalaččat olles doarjjasupmi.

Vuosttaš lađas: Unnideapmi go leat boasttodieđut ohcamušas

Doarjja sáhtta unniduvvot § 15 vuosttaš lađđasa vuođu jus dat geas lea riekti oažžut doarjaga lea fuollameahttumit dahje eaktodáhtolaččat addán boasttudieđuid dahje váilevaš dieđuid ohcamušas, ja dat dieđut leat dagahan badjelmeare doarjjamáksima.

Dat lea boasttudiehtu go dieđut mat leat čállon ohcamii eai oktiivástit duohta diliin.

Boasttudiehtu galgá addán dahje sáhttan addit eambbo doarjaga go dan maid doarjjavuostáiváldis livčče leamaš riekti oažžut.

Doarjjavuostáiváldi galgá fuollameahttumit dahje eaktodáhtolaččat addán boasttudieđuid

Doarjjavuostáiváldi galgá addán boasttodieđuid “fuollameahttumit dahje eaktodáhtolaččat”. Dat mearkkaša ahte doarjja ii sáhte unniduvvot jus boasttudieđut leat addon dan doaivvus ahte dat leat duohta dieđut, jus ovdamearkka dihte ohcci ii ipmirdan dahje livčče galgan ipmirdit ahte dieđut ohcamis ledje boastut.

Go eaktodáhtolaččat lea addán boasttudieđuid, de lea dihtomielalaččat addán boasttudieđuid. Go fuollameahttumit lea addán boasttudieđuid, de lea láhtten eará vuogi mielde, go dan maid jierbmeolmmoš livčče dahkan seamma dilálašvuodas.

Siidaossejodiheddi dahje boazosearvi dovda diliid, maid birra jerrojuvvo ohcanskovis ja mat dárbbášuvvojit áššemeannudeamis, ja son dábalaččat diehtá dahje galggašii diehtit leatgo boasttudieđut vai eai. Jus ohccis leat váttisvuodát ipmirdit ohcanskovi jearaldagaid, de galggašii son váldit oktavuodá stáhtahálldašeddjiin dan čielggadit buori áiggis ohcanáigemearrái.

Unnideami mearri

Boazodoalloeiseválddit sáhttet unnidit “olles dahje oasi doarjagis”. Hálldašangeavada vuođu unniduvvo doarjjasubmi supmiin mii vástida dan submái, maid boasttudieđut livčče dagahan.

Nubbi lađas vuosttaš čuokkis: Doarjaga dollen jus rihkku boazodoalu njuolggadusaid

Mearrádus lea gustovaš go doarjjavuostáiváldi jodihá doaimmas ja seammás rihkku lágaid dahje njuolggadusaid boazodoalu hárrái. Dakkár njuolggadusat leat dábalaččat boazodoalloláhka gullevaš njuolggadusaiguin, boazodoallošiehtadusa njuolggadusat doarjaga birra, ja elliidčálgoláhka gullevaš njuolggadusaiguin. Ulbmil lea ahte ii galgga doarjut lobihis doaimma.

Mearrádus geavahuvvo go eiseválddit geat hálldašit dan dihto njuolggadusa leat meannudan ášši ja meannudusas boahtá ovdan ahte áššáiguoskevaš olmmoš lea rihkkon njuolggadusaid fuollameahttumit dahje eaktodáhtolaččat. Dakkár dilálašvuodain sáhttet boazodoalloeiseválddit ájihit doarjaga máksima siidaosiide ja boazoservviide dassáži dilli lea njuolgan.

Go áššáiguoskevaš olmmoš lea njulgen dilis ja dagahan ahte su boazodoallu lea lobálaš, de eai sáhte boazodoalloeiseválddit šat ájihit doarjaga máksima. Doarjja máksojuvvo dakkaviđe go boazodoalloeiseválddit leat ožžon dieđuid ahte dilli lea njulgan.

Nubbi lađas nubbi čuokkis: Doarjaga unnideapmi go duođalaččat lea rihkkon boazodoalu njuolggadusaid

Mearrádus guoská njuolggadusaid duođaleamos rihkkumiidda. Go eiseválddit áššáiguoskevaš njuolggadusaide leat gávnahan ahte njuolggadusat leat rihkkojuvvon duođalaččat dahje eaktodáhtolaččat, de sáhtta siidaosiid ja boazoservviid doarjja unniduvvot vaikko lobihis dilli lea njulgejuvvon.

§ 17. Ruovttoluottamáksima dahje unnidansupmi gáibideapmi

Boazodoalloeiseválddit sáhttet gáibidit máksojuvvon supmi ja vuoigaduvvon doarjaga gaskasaš differánssa máksojuvvot ruovttoluotta § 14 mielde dahje § 15 mielde unniduvvot. Erohusa sáhtta maiddái geassit boahhtevaš doarjjamáksiimiin.

Boazodoalloeiseválddiid gáibádusat sáhttet biddjot johtui go doarjja máksojuvvo doarjjavuostáiváldái.

Jus doarjjavuostáiváldi ii lean várrogas buori jáhkus máksima hárrái, de sáhttet reanttut gáibiduvvot dan áiggi rájes go ruovttoluottamáksingáibádus lea ollen doarjjavuostáiváldái. Jus lea roavva fuollameahtunvuohta dahje eaktodáhtolašvuohta, de sáhttet reanttut gáibiduvvot dan áiggi rájes go eahpevuoiggalaš doarjja lea máksojuvvon. Reantojuolgi galgá leat seamma go dat reantojuolgi maid Finánsadepartemeanta áiggis áigái mearrida § 3 mielde lágas b. juovlamánu 17. b. 1976 nr. 100 reanttuid maŋŋonan máksimiid je. birra.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Mearrádus addá doarjagiid sisagáibideapmái njuolggadusaid dalle go lea áššemearrádus sisagáibideapmái ja/dahje unnideapmái §§ 14 ja 15 vuodul.

Go stáhtahálddašeaddji lea meannudan ášši ahte unnidansupmi ja/dahje boasttumáksojuvvon doarjja galgá gáibiduvvot ruovttoluotta, de sáhtta máksojuvvon supmi ja vuoigaduvvon supmi gaskasaš differánssa gáibiduvvot máksojuvvot ruovttoluotta boahhtevaš doarjjamáksiimiin siidaosiide ja boazoservviide, dahje eará doarjjamáksiimiin maid doarjjavuostáiváldi sáhtta oažžut.

Mearrádusa nuppi lađđasa vuodul sáhttet eará gáibádusat mat boazodoalloeiseválddiin leat siidaoasi ja boazosearvvi vuostá rehkenastojuvvot doarjjarievtis eret dan mearrádusa vuodul.

Stáhtahálddašeaddji ja/dahje Eanandoalldirektoráhtta mii árvvoštallá ahte galgá go submi gáibiduvvot boahhtevaš doarjagiin. Doarjjavuostáiváldi oažžu dakkár dilálašvuodain čálalaččat dieđu ahte olles dahje oassi supmis gáibiduvvo doarjjavuostáiváldi boahhtevaš doarjjagáibádusas.

Jus ii celkojuvvo ahte olles supmi galgá máksojuvvot ruovttoluotta, de doarjjavuostáiváldái sáddejuvvo rehket mii galgá adnot ruovttoluottamáksimis.

Reanttut

Ruovttoluottamáksingáibádussii sáhttet reanttut lasihuvvot § 17 goalmát lađđasa vuodul.

Reanttut eai lasihuvvo jus doarjjavuostáiváldi várrogas buori jáhkus máksima hárrái, das

oaivvilduvvo jus doarjjavuostáiváldi ii ipmirdan dahje livčče galgan ipmirdit ahte máksin lea šaddan boastut.

Jus doarjjavuostáiváldi ipmirdii dahje livčče galgan ipmirdit ahte máksin lea šaddan boastut, de sáhttet reanttut lasihuvvot dan rájes go son oaččui ruovttoluottamáksingáibádusa poastakássii dahje e-bostii. Dan meroštallamii váldo vuhtii maid dábálaš várrogas olmmoš seamma sajádagas ja dilis ipmirda ja livčče galgan ipmirdit.

Jus doarjjavuostáiváldi lea hui fuollameahttumit dahje hui eaktodáhtolaččat meannudan ohcama dahje máksima oktavuođas, de sáhttet reanttut lasihuvvot dan rájes go doarjja máksojuvvui. Doarjjavuostáiváldi lea čájehan hui fuollameahttun láhttema go lea nanu sivahallamiin meannudan; das oaivvilduvvo čalmmustahttojuvvon spiehkasteapmi dábálaš várrogas olbmo meannudeamis, gii lea seamma sajádagas ja dilis go doarjjavuostáiváldi. Jus doarjjavuostáiváldi lea dihtomielalaččat dahje iežas dáhtu mielde dahkan dan, de lea eaktodáhtolašvuodain rihkkon njuolggadusaid.

Eanandoalldirektoráhtta mearrida reantogáibádusa § 17 goalmát lađđasa vuodul.

Reantosupmi mearriduvvo njuolggadusa § 3 reanttuid birra go máksin manjona.

§ 18. Hálddašeapmi, váidin ja dispensašuvdna

Doarjaga áššemearrádusa dahká stáhtahálddašeaddji. Sáhtta váidit stáhtahálddašeaddji áššemeannudanvuogi hálddašanáššiin Eanandoalldirektoráhttii lága guovvamánu 10. b. 1967 vuodul (hálddašanláhka).

Eanandoalldirektoráhtta sáhtta erenoamáš diliin dispenseret njuolggadusa mearrádusain.

Eanandoalldirektoráhta mearrádusaid dan njuolggadusa vuodul sáhtta váidit Eanandoallo- ja biebmodepartementii lága (hálddašanláhka) guovvamánu 10. b. 1967 vuodul áššemeannudanvugiid hálddašanáššiin birra.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Vuosttaš lađas: Hálddašeapmi ja njuolggadusat

Mearrádus bidjá Eanandoalldirektoráhta rolla doarjagiid hálddašeaddjin. Stáhtahálddašeaddji lea vuosttaš instánsa doarjaáššiide, ja sii meannudit ja dahket áššemearrádusaid. Stáhtahálddašeaddji áššemearrádusaid sáhtta váidit Eanandoalldirektoráhttii. Hálddašanlága § 32 vuosttaš lađđasa bustávva a mielde galgá váidda sáddejuvvot hálddašanorgánii gii lea mearridan áššis, das dat lea stáhtahálddašeaddji. Stáhtahálddašeaddji vuos árvvoštallá váidaga. Jus stáhtahálddašeaddji miehtá váidagii ja rievdata áššemearrádusa nu go ohcci áiggui, de ášši loahpahuvo. Jus stáhtahálddašeaddji doalaha áššemearrádusa, de sáddejuvvo váidda Eanandoalldirektoráhttii, geat dahket loahpalaš mearrádusa áššis, vrd. hálddašanlága § 33 nubbi lađas.

Ohcamušat galget meannuduvvot dan njuolggadusa mielde, mii lei gustovaš dan boazodoallojagis man ovddas doarjjaohcamuš lea. Njuolggadus rievdaduvvo dábálaččat suoidnemánu 1. beaivvi juohke jagi boazodoallošiehtadusa dihte ja leat jurddašuvvon leat doaimmas boahttevaš jagiide. Dat sáhtta ovdamearkka dihte dagahit dan ahte máksomearri dihto doarjjaortnegii rievdaduvvo ovdal go

buot doarjjaohcamušat leat meannuduvvon. Mearrádusas boahtá ovdan ahte vaikko njuolggadus rievdaduvvo, de galgá čuovvut dan njuolggadusa mii dalle lei go ohcci ozai doarjaga.

Nubbi lađas: Dispensašuvdna njuolggadusa mearrádusain

Jus siidaoassi dahje boazosearvi ii deavdde eavttuid oažžut doarjaga, de sáhtá dispensašuvdna árvvoštallojuvvot njuolggadusa § 17 nuppi lađđasa vuodul.

Dispensašuvdna sáhtá addot dušše erenoamáš dilálašvuodain ja dušše ovttá doarjjajahkái hávális. Eanandoallo- ja biebmodepartemeantta leat muhtun árvvoštallanmomeanttaid bidjan mat galget adnot árvvoštallat galgá go dispensašuvdna addot vai ii. Árvvoštallanmomeanttat leat:

- dilit mat biddjojit ággan dispensašuvdnii eai leat siidaoasi/boazosearvi váikkuheami duohken, ja
- váilevaš doarjja dahká váttisin jođihit siidaoasi, ja
- dispensašuvdna ii váikkut njuolggadusa ulbmili. Das oaivvilduvvo ahte ii sáhte addot dispensašuvdna oktasaš gáibádusaid vuodul, ovdamearkka dihte gáibádus boazodoallodieđáhussii, definišuvnnaide dahje mearriduvvon doarjjasupmiide. Dispensašuvdna gáibádusain mat leat biddjon vai sáhtá láhčit dili guoddevaš boazodollui (ovdamearkka dihte boazolohkui) galget árvvoštallojuvvot gáržžibut eavttuid vuodul go eará mearrádusat njuolggadusas (ovdamearkka dihte unnimussisabohtu dakkár diliin go njuovvan ii leat leamaš vejolaš diliid dihte maidda siidaoassejođiheaddji ii sáhte váikkuhit)

Dispensašuvdnamearrádusas leat gáržžes eavttut, ja galget buorit ákkat dispensašuvnna addit. Vaikko lea “erenoamáš dilálašvuhta”, de sáhtá ášši oktavuhta njuolggadusa ulbmiliidda mearkkašit ahte dispensašuvdna ii galgga addot dihto áššis.

Eanas dilálašvuodát mat gustojit siidaoasi doibmii, nu go siidaoasi boazolohku, njuovvan, guodoheapmi jna. leat dábálaččat siidaoasi/boazosearvi duohken. Šiehtadanbealit leat cealkán ahte klimáhtalaš dilit (obbalaččat váttis doaibmadilit je.) dábálaččat eai fátmastuvvo dispensašuvdnalobis. Fáhkkadáhpáhusat dego heavvaneapmi, muohtauđđasat, fáhka buohccán ja sullasaččat eai leat siidaoasi/boazosearvi duohken.

§ 19. Fápmuiboahtin

Njuolggadus boahtá fápmui suoidnemánu 1. beaivvi 2019. Seammás fámohttojuvvu njuolggadus geassemánu 19. beaivvi 2012 nr. 592 doarjaga birra siidaosiide ja boazoserviide.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Eai leat kommentárat.